

E H C H S 3

26

[Blank white label]

BT810

.P77

1727-34

v.4

c.1

26
DISSERTATIONES

SCHOLASTICÆ
DE DIVINIS DECRETIS,
SACRATISSIMÆ VIRGINI MARIÆ
DEI-GENITRICI,

Nostræque etiam Charissimæ Matri;
ac Dominæ

CONSECRATÆ,

A. P. ANTONIO DE PERALTA

Societatis JESU Mexicano, & Mexici in
Maximo S. S. A. A. Petri, & Pauli Colle-
gio quondam Primario Sacræ Theo-
logiæ Professore, deindè superio-
rum studiorum Præfecto.

63307

Tomus 4.



ANTVERPIÆ,

Apud JOANNEM BAPTISTAM VERDUSSEN
Sub signo duarum Ciconiarum. 1734.



1080044565

BT810
P77
1727-3A
V.4

UNIVERSIDAD AUTÓNOMA DE N.J.E.
CAPILLA ALFONSO BIBLIOTECA UNIVER. ALTA
MICROFILMADO 87M
9. DEC. 72



Proemium

SANCTISSIMÆ
VIRGINI
MARIÆ
Nuncupatorium.



Uraclatum in tota
Theologia difficilli-
mum, intricatumque
scribere aggredimur,
in quo graves usque
adeo sese offerunt no-
di, ut in eis solvendis
Doctissimorum hominum desudarit,
atque adhuc nunc desudet industria.
Quis enim novit vias Domini? Aut
quis

quis consiliarius ejus fuit , ut illius
arcana , consilia , & inscrutabilia de-
creta possit evolvere ? Sanè nobis au-
daciæ verteretur , investigabiles æternæ
Mentis vias scrutari voluisse , nisi Theo-
logi munus exigeret , quantum in hac
caligine mortalis vitæ fas est , divina
decreta declarare. Etenim , cum ex vo-
luntate Dei omnia procedant , Theo-
logo necesse est , decretum divinum
aliquod passim offendere , præsertim
quoties gravissimas de Libertate con-
troverfias exagitat. Quod si naturam di-
vinorum decretorum , proprietatesque
ignoraverit , nec particulares Dei vo-
luntates agnoverit , qui poterit à tanti
se momenti difficultatibus expedire ? Er-
go non audacia impellit , sed necessitas
cogit , ut abstrusas Dei determinaciones
venerabundi perferutemur

Necessitas autem præcipua , quæ nos
ad hunc sanè magnum capeffendum la-
borem adegit , nulla prorsus alia fuit ,
quam bono Scholasticorum , commodo-
que consulere : id quod etiam in alijs
nostris tractatibus prælo nuper Mexici
datis , & intendimus , & (si non falli-
mur)

mur) sumus affecuti. Cum enim Scho-
lastici Juvenes , quando publicas insti-
tuunt concertationes , non opus habeant
quæstionibus latissimis , sed brevibus , cla-
ris , & omnium argumentorum solutione
perfectis , libros (quos plurimos , &
eos ingeniosè , ac docte compositos , à
gravissimis Doctoribus quotidie terimus)
quoniam legere , ac percipere vix pos-
sunt , planè averfantur. Cui nos , ut ob-
viam iremus incommodo , divina omnia
decreta in diversis materijs discuti solita ,
& quæ majorem in universa Theolo-
gia ingerunt difficultatem , tribus in
tractatibus distinctè , ac breviter , per-
spicueque explicamus. In libro siquidem
de Beata Virgine , dissertatione prima ,
sectionibus prima , & secunda , decretum
Incarnationis inseruimus ; in libro autem
de scientia media , tota dissertatione se-
cunda , de decreto prædeterminativo
Thomistico , comitantique Schotico ; de
eodemque ut à Patre Doctore Gaspare de
Ribadeneyra excogitato in præfenti ma-
teria , dissertatione secunda , sectione quar-
ta , in secunda argumentorum classi ,
paragrapho *Contra secundo* ex professo

tractavimus. Cætera deinde decreta ,
hoc in libro ea conati sumus exponere
perspicuitate , ut nihil ad captum , &
intelligentiam plenissimam desiderare
possint Tyronum ingenia. Atque ista
etiam de causa non multas ad conclusio-
num probamenta rationes congerimus ,
impugnationesque sententiarum pluries
omittimus ; experti enim sumus pluri-
mis , quibus publicè Philosophiam , ac
Theologiam docuimus annis , mentes
Scholasticorum , quantumvis acutissimas
(quales hoc Mexicanum Ingeniorum fe-
racissimum solum producit) potius obrui ,
quam juvari probationum , atque im-
pugnationum multitudine , quas sæpè ,
Doctores , utpotè pro Magistris scriben-
tes , agglomerant. Noster verò labor in
eo totus est , ut una , vel altera , quam
eligimus , ratio , potissima inter omnes
sit , dilucideque proponatur cum solutio-
nibus Adversariorum , rejectis quidem
perquam efficaciter : Deinde ut omnia
contraria argumenta , præsertimque so-
phistica , pulchrioribus objiciantur for-
mis , & clarissimè enodentur.

Hujus

Hujus autem non terrebit nos operis
arduitas , quando te , Virgo Purissima ,
Increataque Sapientia Genitrix , ducem
sequimur , te tutelarem exambimus. Di-
vina decreta , quæ ex æternitate in
Verbo Dei extiterunt , extiterunt etiam
in utero tuo , quando Verbum in eo pro
nobis factum est caro. Habemus ergo
Magistram , atque eam Sapientissimam ,
quæ voluntates Dei , in ventre traxit , in-
deque non vani Auspices fore confidi-
mus , ut dissertationes nostræ de illis
tractantes , foelici partu erumpant , &
fausto quoque fine terminentur. Ita sit.



APPRO-

APPROBATIO.

R. P. M. FR. ANTONII DE LA
CERDA MORAN.

Ordinis Eremitarum Sancti Augustini, in Sacra Theologia Magistri, tum in clarissima Augustiniana Religione, tum in Regali Mexicea Academia, quondam Provincialis, Definitoris, Secretarij, priorisque Angelopolitani Conventus S. P. N. Augustini, Provinciæ Mexicanae Sanctissimi Nominis JESU.

Exc^{me}. Princeps.

Dissertationes, seu eximium de Divinis Decretis tractatum à Sapiientissimo, atque admodum Reverendo P. Antonio de Peralta Sacræ Jesuadum Familiæ Mexiceo in Maximo Apostolorum Petri, & Pauli Literarum Emporio, quondam Primariæ Sacræ Theologiæ Cathedræ Professore, nunc vero studiorum majorum Præfecto conscriptum, mihiq; ab Exc. vestra approbationis causa commissum, quemadmodum obedientiæ gravem, nisi intentus, ita nisi gratus legissem, haud levem proculdubio gratitudini injuriam irrogassem. Etsi enim honorificum Censoris munus exiguas ingenio vires opprefferit; animum tamen condiciores qualque Sapientum degustare dapes inhiantem de-

delitiosæ usquequaque lectionis condito supra-
modum pabulo faginavit, Illum itaque idcirco
gratus legi; intentus itidem recognovi. Cum-
que egregij voluminis oculis spatia percurrans,
mente sane per Theologiæ Sacræ ardua nimis,
& inaccessa penitus discurrissem; quod ingenio-
sissimè contextum opus fueram inibi demira-
tus; nidum esse censui, quem ingeniorum
Aquila concinnasset. Illa videlicet, quæ post-
quam per æthereas universæ Theologiæ regio-
nes assidue volitans consenuisset, sese, auspica-
to equidem renovanda, fontis Mariani cælesti-
bus aquis intinxit; unde novis plena plumis, at-
que novæ materiæ varietate undique formosa
profliens, ad excelsum venit divinæ Scientiæ
Libanum; hincque nunc tandem medullam Cedri
tulit abstrusiora, scilicet voluntatis divinæ Con-
silia; & transportavit eam in terram Chanaan,
(cum Chaldæo legam) ad terram liberam: hoc
est, ad liberum humanæ voluntatis Arbitrium;
cujus cum divinis Decretis concordia in Aquilæ
hujus Opere præclarissimo, ita miro, ita
jugi splendore retulget; ut illud necessitudinis
umbra nec levi mehercle valeat apparere quan-
doque subobscurum. In Opere dixeram, sciens
perindè esse, ac si in hujus Aquilæ perpolito
Nido dixissem: in quo, quis dubitet, non nisi
sententiarum pullos, quos sæpe sapius veritatis
Soli præfulgido sedulo explorandos objecerit,
atque à degeneri opinionum turba distraxerit,
ingeniorum Aquilam collocasse? Ex quo, quis
nesciat, non nisi magni acuminis generosam
fœ-

fectuum progeniem à cunctis adversariorum te-
lis mirum in modum defendendam pennis sem-
per alta petentibus ingeniorum Aquilam susce-
pisse? Et à quo tandem, quem praterfugiat,
Fidei orthodoxæ minimè abfuturum echitem,
cujus beneficio nobiles Aquilini partus ingenij
ab universis errorum noxis penitus liberati con-
quiescerent? Unde si Aquilarum pullis publica
lux ita debetur, ut Solis radios irretorta pu-
pilla rimentur, prius quam æthera vibrato pen-
narum remigio discendant, videtur mihi nemo
fururus, qui non ilicet, si Censoris mecum mu-
nia subiret, mecum etiam libenter omnino fir-
maret, jurè summo debere publici luminis usura
potiri opus illud, in quo præstantioris Aquilæ
præstantissima de divinis Decretis sententiarum,
& doctrinæ soboles continetur. Sic salvo me-
liori censeo in hoc Mexiceo Imperiali S. P.
Augustini Conventu, die 18. Octobris, An-
no Domini 1726.

Manus vestræ Exc.^{me} osculatur summisse
vester addictissimus Servus.

Fv. Antonius de la Cerda Moran.

APPROBATIO

R. P. M. Clementis sumpsit à Societate
JESU, in Sacra Theologia Doctoris,
Cathedraque Jesuitica Moderatoris in
Regali Mexicana Academia, Qualifica-
toris Sancti Officij, Primarijque olim
Theologiæ Professoris in Maximo
S. S. A. A. Petri & Pauli
Mexiceo Collegio.

Jubente D. D. D. Mathia de Navarro
Collegij Christi Domini Rectore, Sacra-
rij Sanctæ Metropolitanæ Ecclesiæ Parocho,
atque pro toto Archiepiscopatu Mexicano Vi-
cario Generali, &c. Legi exculissimum tracta-
tum de divinis Decretis, quem R. P. Anto-
nius de Peralta semel, atque iterum elab-
oravit, cum in hoc Collegio primariam
publicè Theologiam traderet. Opus profecto,
quod solèrter elimaverat, rigidiori adhuc
limæ subjecit, & quasi denuo recudit, ut
typis mandaret, quod antea docuerat, rur-
sum docere professus est: & quod jam pri-
dem in publico theatrorum Sole prognatum
erat, nunc in umbra pacatissima cordatoris
ætatis maturatum, atque undique perfectum
ap-

apparet. Quantum splendoris acereviffe partem ijs dilceptionibus, postquam in secundis curis ad incudem revocatae sunt! Aureae profecto sententiae, argenteae rationes, aereae voces, & quod potissimum est non ab alieno penu emendicatae; sed e thesauro suo depromptae, nostrum commendant authorem. Aureae sunt sententiae, quibus in eruendis non humi reptat, aut per summa rerum fastigia subsilit; sed profundam arcanioris Theologiae abyssum penetrat. Scit optime, Theologiam esse thesaurum in agro absconditum, quem non nisi laboriosus, & lyncaeus scrutator effoderit. Suarum illaesa puritas sententiarum, uti aurum igne, non spectata tantum; sed probata fuit actu ferventissimo frequentium hinc, inde disputationum. Argenteae rationes, omni ex parte communiunt, & illustrant tractatum; qui totus argenteus, soliditatem simul, & claritatem absque ullo acuminis impendio, componit. Tres e caelo dotes (praeter alias plures) confluisse dixeris in authorem, in quo soliditas, claritas, & acumen ullo vix discrimine vigent: Soliditas ea est, ut inter arietantes objectionum ictus, non effracta diffiliat; sed illustrius scintillet: claritas, etiam lusciosos mediocrium ingeniorum oculos, non subterfugit: acumen est, ita delicatissimum, ut intra subtiliores quasque mentes, sese ultro, & illico intromittat, neque ullatenus

nus pungat; sed recreet. Aereae tandem voces opus exorant, in quo nihil inimicum divinis, aut humanis juribus comperio; sed omnia consona nostrae Catholicae fidei inspicio; atque adeo luce dignissimum arbitror. In hoc Maximo S. S. Apostolorum Petri, & Pauli Collegio Soc. JESU. Die 21. Octobris, Anno 1727.

Clemens Sumpsin.



Licencia del Superior Gobierno.

EL Exc^{mo}. Señor D. Juan de Acuña, Marqués de Cala-Fuerte, Cavallero del Orden de Santiago, Comendador de Adelfa en la de Alcantara del Consejo de su Magestad, en el Real, y Supremo de Guerra, General de sus Reales Exercitos, Virrey Governador, y Capitán General de esta Nueva España, y Presidente de su Real Audiencia, y Chancilleria, &c. concedió su licencia para la impressión de este Libro, cuyo titulo es: *Dissertationes Scholasticae de divinis Decretis*, vista la Aprobacion del Muy R. P. M. Fr. Antonio de la Cetda Moran, del Orden de Señor San Augustin; como consta por su Decreto de 26. de Octubre de 1726. años.



Licencia del Ordinario.

EL D^o. D. Mathias Navarro, Abogado de la Real Audiencia de esta Corte, Rector de el Real Colegio de Christo S. N. Ordinario de el Santo Oficio, Provisor, y Vicario General de este Arzobispado, Cura propietario de el Sagrario de esta Santa Iglesia Cathedral, &c. concedió su licencia para la impressión de este Libro intitulado: *Dissertationes Scholasticae de divinis Decretis*, vista la Aprobacion de el R. P. M. Clemente Sumpsin, de la Sagrada Compañia de JESUS, como consta por auto de 23. de Octubre de 1726.



Josephus de Arjé Præpositus Provincialis
Societatis JESU Provinciae Novæ His-
paniæ, &c.

Cum Librum, cui titulus est: Dissertationes Scholasticæ de divinis Decretis à P. Antonio de Peralta Nostræ Societatis compositum, aliquot ejusdem Societatis Theologi, quibus commissum fuit, recognoverint, & in lucem edi posse probaverint: facultate nobis à P. N. Michaeli Angelo Tamburini Præposito Generali communicata, concedimus, ut typis mandetur: si ita ijs, ad quos pertinet, videbitur. In quorum fidem has litteras manu nostra subscriptas, & sigillo Societatis Nostræ munitas dedimus. Angelopoli, die 14. Novembris, anni 1724.

Josephus de Arjé.

DIS-

DISSERTATIONES
DE DIVINIS DECRETIS.

DISSERTATIO PRIMA.
DE NATURA, ET PROPRIETATI-
bus divinatorum decretorum.

Plurimæ sunt decreti divini proprietates, quas evol-
vemus hic, licet non omnes: aliqua enim, &
præcipua, ut sunt libertas, & immutabilitas ad
tractatum de voluntate spectant in eo videnda. In
hac autem dissertatione solum eas, quarum cognitio
ad particularia decreta, de quibus ex professo agen-
dum, videtur necessaria, explicabimus.

SECTIO PRIMA.

QUID SIT DECRETUM DIVINUM?

Et aliquæ illius proprietates.

Decretum divinum sic definitur: vo-
luntas Dei in actu secundo, quæ vult, &
decernit alicuius objecti existentiam. Di-
citur voluntas in actu secundo, seu actus
divinæ voluntatis, ut distinguatur à potentia vo-
litiva, quæ vocatur voluntas in actu primo. Dici-
tur autem quæ vult, & decernit alicujus objecti
existentiam, ut denotetur decretum esse actum
complexum, quo Deus tendit in esse, aut in
non esse rei per tendentiam practicam; & ut dis-
tinguatur ab actibus incomplexis, nimirum,
amore, & odio, qui sunt pura complacentia. &
dis-

A